

Na osnovu člana 75. stav 6. a u vezi sa članom 132. stav 1. alineja 11. Zakona o policijskim službenicima HNK («Službene novine HNK» br: 9/07) na prijedlog policijskog komesara, ministar unutrašnjih poslova Hercegovacko neretvanskog kantona , **d o n o s i**:

PRAVILNIK **o internom objavljivanju slobodnih radnih mjesta**

I - OPŠTE ODREDBE

Član 1. **(Predmet)**

Ovim pravilnikom utvrđuje se procedura internog objavljivanja slobodnih radnih mjesta policijskih službenika Uprave policije Ministarstva unutrašnjih poslova HNK (u daljem tekstu : Uprava policije) radi popune putem unaprijedenja policijskih službenika.

Član 2. **(Slobodna radna mjesta)**

- (1) Slobodnim radnim mjestima u Upravi policije smatraju se radna mjesta utvrđena važećim Pravilnikom o unutrašnjoj organizaciji i sistematizaciji MUP-a HNK (u daljem tekstu : Pravilnik) i koja su kao takva utvrđena i objavljena u proceduri propisanoj ovim Pravilnikom.
- (2) Slobodna radna mjesta za koja je određeno da se popunjavaju putem unaprijedenja policijskog službenika popunjavaju se isključivo putem internog objavljivanja.
- (3) Popuna radnih mjesta iz stava 1. vrši se u postupku internog objavljivanja i putem unaprijedenja policijskih službenika u skladu sa Pravilnikom o postupku za unaprijedenje policijskih službenika.

II - PRAVILA OBJAVLJIVANJA I POPUNE SLOBODNIH RADNIH MJESTA

Član 3. **(Lista slobodnih radnih mjesta)**

- (1) Procedura popune slobodnih radnih mjesta iz člana 2. započinje Odlukom policijskog komesara, nakon što Odsjek za kadrovska pitanja i logistiku Uprave policije pripremi listu slobodnih radnih mjesta.
- (2) Procedura popune slobodnih radnih mjesta u Upravi policije provodi se po pravilu svaka tri mjeseca ukoliko ima slobodnih radnih mjesta, a može se pokrenuti i ranije zbog potrebe i ako se procjeni da je to neophodno zbog obavljanja poslova.

Član 4. **(Administrativno provođenje postupka)**

Odsjek za kadrovska pitanja i logistiku Uprave policije provodi administrativni postupak interne objave slobodnih radnih mjesta.

Član 5.
(Sadržaj internog oglasa)

Interni oglas za popunu slobodnih radnih mjesta sadrži sljedeće:

- a) broj i opis upražnjenih radnih mjesta,
- b) uslovi radnog mjesta koji su propisani Pravilnikom,
- c) spisak dokumenata koje kandidati trebaju priložiti uz prijavu,
- d) krajnji rok i mjesto podnošenja prijave.

Član 6.
(Objavljivanje internog oglasa)

Interni oglas za popunu slobodnih radnih mjesta bit će istaknut na oglasnoj tabli u sjedištu Uprave policije i organizacionim jedinicama i dostavit će se svim rukovodiocima organizacionih jedinica, a koji su dužni sa sadržajem oglasa upoznati sve policijske službenike.

Član 7.
(Postupak i rok prijavljivanja na interni oglas)

Svi kandidati uz pismenu prijavu obavezni su dostaviti sve dokaze o ispunjavanju uslova za popunu slobodnog radnog mjesta navedenog u sadržaju internog oglasa, u roku od 15 dana od dana objavljivanja oglasa, Odsjeka za kadrovska pitanja i logistiku Uprave policije.

Član 8.
(Postupak sa zaprimljenim prijavama)

(1) Prijava sa dokumentima priloženim uz prijavu u slučaju popune slobodnih radnih mjesta unaprijedjenjem policijskih službenika dostavlja se neotvorena Komisiji za provođenje procedure unaprijedenja (u daljem tekstu: Komisija) u roku od 3 radna dana od krajnjeg roka za podnošenje prijave.

(2) U slučaju da kandidati ne uspiju predati prijavu i dokumente u utvrđenom roku njegova prijava će biti odbačena zaključkom.

III - PRELAZNE I ZAVRŠNE ODREDBE

Član 9.
(Stupanje na snagu)

Ovaj Pravilnik stupa na snagu danom donošenja.

Broj: 02-01-36-351/10'

Mostar, 9.03.2010

